

REGLUGERÐ FRAMKVÆMDASTJÓRNARINNAR (ESB) 2020/205

2020/EES/69/33

frá 14. febrúar 2020

um breytingu á reglugerð (EB) nr. 2073/2005 að því er varðar salmonellu í skriðdýrakjöti (*)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 852/2004 frá 29. apríl 2004 um hollustuhætti sem varða matvæli (1), einkum 4. mgr. 4. gr.,

og að teknu tilliti til eftirfarandi:

- 1) Í reglugerð framkvæmdastjórnarinnar (EB) nr. 2073/2005 (2) er mælt fyrir um örverufræðilegar viðmiðanir fyrir tilteknar örverur og framkvæmdarreglur sem stjórnendur matvælafyrirtækja verða að uppfylla að því er varðar almennar og sértækar kröfur um hollustuhætti sem um getur í 4. gr. reglugerðar (EB) nr. 852/2004.
- 2) Einkum er í reglugerð (EB) nr. 2073/2005 mælt fyrir um matvælaöryggisviðmiðanir sem skilgreina tækileika afurðar eða matvælalotu og gilda um afurðir sem settar eru á markað. Í þeirri reglugerð er ekki kveðið á um matvælaöryggisviðmiðanir sem varða skriðdýrakjöt.
- 3) Í yfirlitsskýrslu Evrópusambandsins um horfur og upptök sjúkdóma sem berast milli manna og dýra, smitvalda sjúkdóma sem berast milli manna og dýra og uppkomu matarborinna sjúkdóma árið 2016 (e. *The European Union summary report on trends and sources of zoonoses, zoonotic agents and food-borne outbreaks in 2015*) (3), sem Matvælaöryggisstofnun Evrópu (hér á eftir nefnd Matvælaöryggisstofnunin) og Sóttvarnastofnun Evrópu gáfu út, kemur fram að salmonellusýking í mönnum er sá matarborni sjúkdómur í mönnum sem næst oftast er tilkynnt um í Sambandinu og tilkynnt er um u.þ.b. 95 000 tilvik árlega.
- 4) Á árinu 2007 samþykkti Matvælaöryggisstofnunin vísindalegt álit um áhættu fyrir heilbrigði manna í tengslum við neyslu þeirra á skriðdýrakjöti (4) en samkvæmt álitinu eru skriðdýr vel þekktir smithýslar fyrir salmonellutegundir. Í vísindalega álitinu er farið yfir starfsvenjur í eldi og greint frá því að lifandi krókódílar beri mikið smit í þörmum sem endurspeglast í jafn mikilli mengun í nýju og frosnu kjöti af þessum dýrum. Í vísindalega álitinu er komist að þeirri niðurstöðu að salmonella teljist vera sú hættu sem skiptir mestu máli í tengslum við bakteríur sem geta verið fyrir hendi í skriðdýrakjöti og skapi verulega áhættu fyrir heilbrigði manna.
- 5) Framleiðsla á skriðdýrakjöti í Sambandinu er takmörkuð en samkvæmt gögnum í tilvísunargagnagrunni Hagstofu Evrópusambandsins fyrir ítarlegar tölfræðilegar upplýsingar um alþjóðaviðskipti með vörur (Comext) (5) hefur innflutningur frá þriðju löndum á nýju, kældu eða frosnu kjöti og ætum sláturmat úr skriðdýrum aukist jafnt og þétt á undanförunum 10 árum með aukningu sem nemur yfir 50% á því magni sem var flutt inn á tímabilinu 2007–2017 og árlegur innflutningur til Sambandsins er að meðaltali næstum því 100 tonn.
- 6) Að teknu tilliti til hugsanlegrar verulegrar heilbrigðisáhættu sem stafar af mögulegri tilvist salmonellu í skriðdýrakjöti ætti að mæla fyrir um matvælaöryggisviðmiðun fyrir skriðdýrakjöt í reglugerð (EB) nr. 2073/2005. Þessi matvælaöryggisviðmiðun ætti að skuldbinda stjórnendur matvælafyrirtækja til að grípa til ráðstafana á fyrri stigum framleiðslu á skriðdýrakjöti sem stuðla að því að draga úr tilvist allra sermigerða salmonellu sem hafa þýðingu fyrir lýðheilsu.
- 7) Alþjóðlegi staðallinn EN/ISO 6579-1 er þverlæg aðferð til að greina salmonellu í matvælum og fóðri. Í I. viðauka við reglugerð (EB) nr. 2073/2005 er kveðið um að sá staðall skuli vera tilvísunargreiningaraðferð fyrir matvælaöryggisviðmiðanir vegna salmonellu. Því ætti að mæla fyrir um hann sem tilvísunargreiningaraðferð til að sannprófa að farið sé að matvælaöryggisviðmiðuninni um salmonellu í skriðdýrakjöti.

(*) Þessi ESB-gerð birtist í Stjttíð. ESB L 43, 17.2.2020, bls. 63. Hennar var getið í ákvörðun sameiginlegu EES-nefndarinnar nr. 121/2020 frá 25. september 2020 um breytingu á I. viðauka (Heilbrigði dýra og plantna) og II. viðauka (Tæknilegar reglugerðir, staðlar, prófanir og vottun) við EES-samninginn (bíður birtingar).

(1) Stjttíð. ESB L 139, 30.4.2004, bls. 1.

(2) Reglugerð framkvæmdastjórnarinnar (EB) nr. 2073/2005 frá 15. nóvember 2005 um örverufræðilegar viðmiðanir fyrir matvæli (Stjttíð. ESB L 338, 22.12.2005, bls. 1).

(3) *Tíðindi Matvælaöryggisstofnunar Evrópu* 2017 15(12), 5077.

(4) *Tíðindi Matvælaöryggisstofnunar Evrópu* (2007) 578, 1–55.

(5) Númer 0208 50 00 og 0210 93 00 í sameinuðu nafnaskránni eins og skilgreint er í framkvæmdarreglugerð framkvæmdastjórnarinnar (ESB) 2017/1925 um breytingu á I. viðauka við reglugerð ráðsins (EBE) nr. 2658/87 um tollskrár- og hagtöluflokkunarkerfið og sameiginlegu tollskrána (Stjttíð. ESB L 282, 31.10.2017, bls. 1.).

- 8) Því ætti að breyta reglugerð (EB) nr. 2073/2005 til samræmis við það.
- 9) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um plöntur, dýr, matvæli og fóður.

SAMÞYKKT REGLUGERÐ ÞESSA:

1. gr.

Reglugerð (EB) nr. 2073/2005 er breytt sem hér segir:

- 1) Í 2. gr. er eftirfarandi q-lið bætt við:

„q) „skriðdýrakjöt“: skriðdýrakjöt eins og mælt er fyrir um í 16. lið 2. gr. framseldrar reglugerðar framkvæmdastjórnarinnar (ESB) 2019/625 (*).

(*) Framseld reglugerð framkvæmdastjórnarinnar (ESB) 2019/625 frá 4. mars 2019 um viðbætur við reglugerð Evrópuþingsins og ráðsins (ESB) 2017/625 að því er varðar kröfur vegna komu sendinga af tilteknum dýrum og vörum, sem eru ætluð til manneldis, inn í Sambandið (Stjtíð. ESB L 131, 17.5.2019 bls. 18).“

- 2) Ákvæðum I. viðauka er breytt í samræmi við viðaukann við þessa reglugerð.

2. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 14. febrúar 2020.

Fyrir hönd framkvæmdastjórnarinnar,

Ursula VON DER LEYEN

forseti.

VIÐAUKI

Ákvæðum I. viðauka við reglugerð (EB) nr. 2073/2005 er breytt sem hér segir:

1) Í 1. kafla er eftirfarandi línu 1.30 bætt við:

Matvælaflokkur	Örverur/eit- urefni þeirra, umbrotsefni	Sýnatökuáætlun		Viðmiðunarmörk		Tilvísunargrein- ingaraðferð	Stig þar sem viðmiðunin gildir
		n	c	m	M		
„1.30 Skriðdýrakjöt	<i>Salmonella</i>	5	0	Greinist ekki í 25 g		EN ISO 6579-1	Afurðir sem settar eru á markað á geymsluþolstíma þeirra“

2) Í stað 2. neðanmálgreinar í 1. kafla kemur eftirfarandi:

„2) Að því er varðar liði 1.1–1.24, 1.27a og 1.28–1.30 er $m = M$.“